

書名

卷一百零九

杜氏通典二百卷 嘉靖十八年西樵方獻夫刊本

撰者 唐 杜佑 撰, 明 王德益、吳鵬 同校

卷 卷一百零九

內容分類 史·政書·歷代通制

索書號 貴重-17

編號 B3510400



[彩色首頁1](#)

[東洋文化研究所漢籍目錄 編號: B3510400](#)

[東洋文化研究所漢籍目錄所藏漢籍善本全文影像資料庫 索書號: 貴重-17](#)

[漢籍善本全文影像資料庫文本杜氏通典二百卷 嘉靖十八年西樵方獻夫刊本](#)

版權所有: [東京大學](#) [東洋文化研究所](#)

[使用上的注意事項](#)

杜氏通典卷第二十五

職官七

諸卿上總論諸卿
少卿附

太常卿丞奉禮郎主簿 博士
太祝 兩京郊社署

太樂署 鼓吹署 太醫署
太卜 廩犧 汾祠 太公廟等署

光祿卿丞良醞署主簿 太官署 珍羞署

衛尉卿丞守宮署主簿 武庫署 武器署
左右都候

宗正卿丞諸陵署主簿 崇玄署

太僕卿丞典牧署主簿 乘黃署 諸牧監
典廄署

大理卿正司直丞評事監 獄丞

言卿附少卿

杜氏通典卷第一百八 終

杜氏通典卷第一百九

禮六十九 吉一 筭類四 大唐開元禮四

齋戒 陳設 省牲器

變駕出宮 奠玉帛 進孰

變駕還宮

齋戒 祀官齋戒如別儀

前祀七日皇帝散齋四日於別殿致齋三日其二日於太極殿一日於行宮前致齋一日尚舍奉御設御幄於太極殿西序及室內俱北向尚舍直長張帷於前楹下致齋之日質明諸衛所部屯門列仗晝漏上水一刻侍中版奏請中嚴諸衛之屬各督其隊入陳



於殿庭如常儀通事舍人引文武五品以上袴褶陪位如式諸侍衛之官各服其器服諸侍臣並結珮凡者則俱詣閣奉迎上水二刻侍中版奏外辦上水三刻皇帝服衮冕上辛服通天冠絳紗袍也結珮乘輿出自西房曲直華蓋警蹕侍衛如常儀皇帝即御座東向坐侍臣夾侍如常一刻頃侍中前跪奏稱侍中臣某言請降就齋室俛伏興還侍位皇帝降座入室文武侍臣各還本司直衛者如常通事舍人分引陪位者以次出凡應祀之官散齋四日致齋三日散齋皆於正寢致齋三日於本司一日於祀所其無本司皆於祀所焉近侍之官應從升者及從祀群官諸方客使各於本司館清齋一宿無本司各諸祀官於家正寢

致齋之日給酒食及明衣布各習禮於齋所攝事無儀上辛光祿卿監取明水火太官令取水於陰鑑取

以實前祀二日太尉告高祖神堯皇帝廟如常告之儀告以配零祀告神作主前祀一日諸衛令其屬未

後一刻各以器服守壝每門二人與太樂工人俱清

齋一宿焉

陳設

前祝三日尚舍直長施大次於外壝東門之內道北

南向攝事守官設祀官公卿以下次於東壝之外道南北向西上焉尚舍奉御座衛

尉設文武侍臣次上辛零祀守官設文武侍臣次焉於大次之前文

官在左武官在右俱相向上辛零祀於大設諸祀官次之後俱南向



次於東壝之外道南從祀文官九品以上於祀官之東
 東方南方朝集使於文官之東東方南方蕃客又於
 其東俱重行每等異位北向西上介公鄜公於西壝
 之外道南武官九品以上於介公鄜公之西北方朝
 集使於武官之西西方北方蕃客又於其西俱重行
 每等異位北向東上其褒聖侯若在朝位於文官三
 品以上攝事無大次褒聖等儀
 祀東上辛雩設陳饌帳於內壝東門西門之外道北南向
 北門之外道東西向壝上及東方南方午陛之東饌
 陳於東門外西方及南方午陛
 之西饌陳於西門外北方之饌陳於北
 門外上辛雩祀但有壝東方之外饌焉前祀二日太
 樂令設宮懸之樂於壇南內壝之外東方西方磬簾
 起北鍾簾次之南方北方磬簾起西鍾簾次之設十



二罇鍾於編懸之門各依神位樹雷鼓於北懸之內
 道之左右植建鼓於四隅置祝敎於懸內祝在左設
 敎在右
 歌鍾歌磬於壇上近南北向磬簾在東其匏竹者立
 於壇下重行北向相對為首凡懸皆展
 而編之諸工人各位
 於懸後東方西方以北為主南方北方以西為上右
 校掃除壇之內外郊社令積柴於燎壇其壇於神壇
 之壬地內壝
 外方一丈高丈二尺開上南出戶方六尺前祀一日
 奉禮設御位於壇之北南向設祀官公卿位於內壇
 東門之外上辛雩祀則東
 門內攝事亦然道南分獻之官於公卿之
 南上辛雩祀無分
 獻位以下皆然執事者位於其後每等異位俱重
 行西向北上設御史位於壇下一位於東南西向一

位於西南東向設奉禮位於樂懸東北贊政者二人
在南差退俱西向又設奉禮贊者位於燎壇東北西
向皆北上設協律郎位於壇上南陛之西東向設太
樂令位於北懸之間當壇北向設從祀文官九品以
上位於執事之南東方南方朝集使於文官之南東
方南方蕃客又於其南俱每等異位重行西南北上
介公鄒公位於中壇上辛零西門之內道南武官九
品以上位於介公鄒公之南西方北方朝集使於武
官之南西方北方蕃客又於其南俱每等異位重行
東向北上其褒聖侯於文武三品之下諸州使人各
分方位於朝集使之後攝事無褒聖以上
至從祀又設祀官及從祀群官等門外位於東西壇門

之外如設次之式設牲牷於東壇之外當門西向蒼

牲一又青牲一在北少退南上次赤牲一黃牲一白

牲一玄牲一零祀五方
色牲各二又赤牲一白牲一上辛零祀
無日月牲

在南皆少退以北爲上又設廩犧令位於牲西南祝

史陪其後俱北向設諸太祝位於牲東各當牲後祝

史陪其後俱西向設太常卿省牲位於牲前近北又

設御史位於太常卿之西向俱南向設酒罇之位上

帝太罇二犧罇二山壘二在壇上東南隅北向象罇

二壺罇二山壘四在壇下南陛之東北向俱西上設

配帝著罇二犧罇二象罇二山壘二在壇上於上帝

酒罇之東北向西上五帝日月各太罇二在第一等



上辛則五帝各太罇二著罇二犧罇二壘一在第一等神座之左而右向無日月以下諸座攝事亦然也

內官每陛間各象罇二在第二等中官每陛間各壘罇二在第三等外官每陛間各概罇二在壇下象星每道間各散罇二於內壝之外凡罇各設於神座之左而右向

罇皆如勺幕五帝日月以上皆有坫以置爵罇祀日月以下無其五帝太罇犧罇各二壘一在第一等五人帝犧牲罇各二在壇下設御洗於午陛東南亞獻終獻同洗於卯陛之南俱北向

攝犧但設於御東南五官洗於罇北設分獻壘洗壘水在洗東

籩在洗西南肆籩實以中爵篚幕各於其方陛道之左俱內向執罇壘篚幕者各於壘篚幕之後設玉幣之篚於壇上下罇坫之所祀前一日晡後上辛罇祀皆祀日未明五刻焉



太史令郊社令各常服帥其屬升設昊天上帝神座於壇上北方南向席以稟秸設高祖神堯皇帝神座等祀則設太宗文武聖皇帝神座焉於東方西向席以莞設五方帝日月神座於壇第一等青帝於東陛之北赤帝於南陛之東黃帝於南陛之西北帝於西陛之南黑帝於北陛之西

等祀又設五人帝座於第二等如五方之陛位又設五帝座於壇下東南西北上無日月

以下諸星位大明於東陛之南上辛並無大矣夜明於西陛之北席皆以稟秸又設五星十二辰河漢及內官五十五座於第二等十有二陛之間各依方面凡座皆內向其內宮有北辰座於東陛之北曜魄寶於北陛之西北斗於南陛之東天一六一皆在北斗之東五

帝內座於曜魄寶之東並差在行位前又設二十八宿及中官百五十九座於第三等其三十八宿及座七公日星帝席大角攝提太微太子明堂軒轅三台五車諸王月星織女建星天紀等十七座並差在行位前又設外官百五座於內壝之內又設象星三百六十座於內壝之外各依方次十有二道之間席皆以莞設神位各於座首所司陳異寶及嘉瑞等於樂懸之北東西廂昊天上帝及配帝五星日月之座設訖却收至祀日未明五刻社令太史各服其服升壇重設之其內官中官外官象星等諸座一設定不收也

省牲器

省牲之日午後二刻去壇二百步所享明堂則於明堂所享廟則於

廟所皆二百步所焉諸衛之屬禁斷行人廟享則大令晡後二

刻郊社令丞帥府史三人諸儀二人享廟則及齋即

以罇坫篚幕入設於位廟享則簋豆簠鉶皆設位加

升壇者各由其陛升晡後三刻謁者贊引各引祀官

公卿以下俱就東壝門外位廟享則無壝諸太祝與

廩犧令以牲就榜位謁者引司空諸儀並引贊引御

史入詣壇東陛升行掃除於上降行樂懸於下訖出

還本位初司空將升又謁者引太常卿贊引引御史

入詣壇東陛升視滌濯於視濯執罇者皆舉

就省牲位南向立廩犧令少前請省牲退復位太常

卿省牲廩犧令又前舉手曰膺還本位諸太祝各膺



牲一币四向舉手曰充俱還本位諸太祝與廩犧令
 以次牽牲詣厨授太官謁者引光祿卿詣厨省鼎鑊
 申視濯漑謁者贊引各引祝官御史廟享但引御史省視饌
 具俱還齋所享廟則進饌者入徹籩豆簋籃鉶雍以出而已祀日未明五刻
 太官令帥宰人以鑿刀割牲祝史以豆取毛血各置
 於饌所遂烹牲廟享毛血每座共實一豆祝史洗肝
置饌所臠脰腸間胙也

鑿駕出宮 上辛雩祀並同

前出宮三日本司宣攝內外各供其職尚舍設行宮
 於壇東南向隨地之宜守宮從祀官五品以上次於
 承天門外東西朝堂如常儀前二日太樂令設宮懸



之樂於殿庭如常儀駕出懸而不作其日晝漏上水五刻鑿
 駕發引發引前七刻槌一鼓為一嚴三嚴時節前一
 侍中奏開宮殿門及城門未明五刻槌二鼓為再嚴
 侍中版奏請中嚴奉禮郎設從祀群官五品以上位
 文官於東朝堂之前西向武官於西朝堂之前東向
 俱重行北上從祀群官五品以上依時俱刻集朝堂
 次各服其服其六品以下及介公鄴公褒聖侯朝集使諸方客使等並駕出之日便赴祀所
 所司陳大駕鹵簿於朝堂發前一刻槌三鼓為三嚴
 諸衛之屬各督其隊與鈇戟以次入陳於殿庭通事
 舍人引從祀群官各就朝堂前衛侍衛之官各服其
 器服侍中中書令以下俱詣西階奉迎侍中負乘黃寶如式

令進王輅於太極殿西階之前南向千牛將軍一人
 執長刀立於輅前北向黃門侍郎一人在侍臣之前
 替者二人在黃門之前侍中版奏外辦太僕卿攝衣
 而升正立執轡皇帝服衮冕上辛服通天冠絳紗袍也乘輿已出
 降自西階稱警蹕如常千牛將軍執轡皇帝升輅太
 僕卿立授綬侍中中書令以下夾侍如常黃門侍郎
 進當鑾駕前跪奏稱黃門侍郎臣某言請鑾駕進發
 俛伏興退復位凡黃門侍郎奏請皆進鑾駕前鑾駕
 動又稱警蹕黃門侍郎與替者夾引以出千牛將軍
 夾路而趨駕出承天門至侍臣上馬所黃門侍郎退
 稱侍臣上馬替者承傳文武侍臣皆上馬諸侍衛之



官各督其屬左方翊駕在黃麾內符寶郎奉六寶與
 殿中監後部從在黃鉞內侍中中書令以下夾侍於
 輅前替者在供奉官人內侍臣上馬畢黃門侍郎奏
 稱請勅車右升侍中前承制退稱制曰可黃門侍郎
 退復位千牛將軍升訖黃門侍郎奏稱請鑾駕進發
 退復位鑾駕動稱警蹕鼓傳音如常不鳴鼓吹不得
 誼譁其從祀之官在玄武隊後如常儀駕將至諸祀
 官俱朝服結珮謁者引立於次前重行北向西上駕
 至行宮南門外迴輅南向將軍降立於輅右侍中進
 當鑾駕前跪奏稱侍中臣某言請降輅俛伏興還侍
 立皇帝降輅乘輿入行宮繳扇華蓋侍衛警蹕如常

儀宿衛如式謁者贊引各引祀官通事舍人分引文武群官集行宮朝堂文左武右舍人承旨勅群官等各還次

奠玉帛

祀日未明三刻諸祀官及從祀之官各服其服郊社令良醞令各帥其屬入實罇壘玉帛

凡六罇之次太罇為上實以汎齊著罇次之實以醴齊犧罇次之實以凡齊犧罇次之實以凡齊山壘為下實以清酒五帝日月俱酒配帝著罇為上實以凡齊犧罇次之實以凡齊山壘為下實以清酒五帝日月俱罇次之實以汎齊其內官之象罇實以醴齊中官之虛罇實以汎齊外官之概罇實以清酒衆星之散罇實以旨酒齊皆加明水酒皆加玄酒各實於上罇王上帝以蒼璧青帝以青珪赤帝以赤璋白帝以鸛虞黑帝以玄黃黃帝以黃琮日月以珪璧昊天上帝及配帝之幣以蒼天帝日月內官以下各從方色各長



次之實以醴齊犧罇次之實以汎齊其用王昊天上帝以四珪有卽餘同無日月以下罇零祀同圓丘又有五人帝之幣亦放其方也 幣置於篚太官令帥進饌者實諸籩豆簠簋等各設

於饌幔內未明二刻奉禮帥贊者先入就位贊引

御史博士諸太祝及令史與執罇壘篚幕者入自東壝門當壇南重行北面上

再拜贊者承傳見奉禮有詞御史以下皆再拜訖

壘篚幕者各就位贊引引御史諸太祝詣壇東陞御

史一人太祝二人升行掃除於上及第一等御史二人

太祝七人升行掃除於下上辛零祀贊引引御史諸

掃除於下訖各引就位未明一刻謁者贊引各引祀官及

從祀群官客使等俱就門外位攝儀無從祀群官太

樂令帥工人二舞次入就位文舞入陳於懸內武舞

立於懸南道西其升壇者皆脫履謁者引司空入就

位立定奉禮曰再拜司空再拜訖謁者引司空詣壇

東陛升行掃除於上降行樂懸於下訖引復位謁者

贊者各引祀官及從祀群官客使等次入就位初未

明三刻諸位列大駕仗位陳設如式侍中版奏請中

嚴乘黃令進王輅於行宮南門外迴輅南向若行宮

遠嚴警未明一刻侍中版奏外辦皇帝服衮冕乘輿

以出繳扇華蓋侍衛如常儀侍中負寶皇帝升輅如

初黃門侍郎奏請鑾駕進發還侍立鑾駕動稱警蹕

如常千牛將軍夾路而趨若行宮去壇稍駕至大次

門外迴輅南向若將軍升輅即侍中進當鑾駕前奏

稱侍中臣某言請降輅俛伏興還侍立皇帝降輅乘

輿之大次繳扇華蓋侍衛如常儀郊社令以祝版進

御署訖近臣奉出郊社令受各奠於坵皇帝停大次

半刻頃通事舍人各引從祀文武群官介公鄼公諸

方客使皆先入就位太常博士引太常卿立於大次

門外當門北向侍中版奏外辦質明皇帝改服大裘

而冕上辛雩祀出次華蓋侍衛如常儀儀官負寶博

士引太常卿太常引皇帝凡太常卿前導至中壝門

外上辛雩殿中監進大珪尚衣奉御又以鎮珪授殿



中監殿中監受進皇帝搢大珪執鎮珪華蓋仗衛停

於門外禮部尚書與近侍者陪從如常儀大珪如播

定近侍承奉焉皇帝至版位西向立每立定太常卿與太常

卿前奏稱請再拜退復位皇帝再拜攝事無未明三

儀上辛奉禮曰衆官再拜衆官在位者皆再拜拜者

不太常卿前奏攝則謂者進太尉之有司謹具請行

事退復位協律郎跪俛伏舉麾凡取物者皆跪俛伏

奠訖俛伏而後興他放此鼓祝奏元國諱和之樂及以圓鍾為宮

黃鍾為角太簇為徵姑洗為羽作文舞之舞樂樂舞

六成圓鍾三奏黃鍾太偃麾戛樂止凡樂皆協律

祝而後作偃麾太常卿前奏稱再拜退復位皇帝再

拜攝事無太常卿至皇奉禮曰衆官再拜衆官在位

者皆再拜正坐配坐太祝跪取玉幣於篚各立於罇

所諸太祝俱取玉及幣亦各立於罇所太常卿引皇

帝太和之樂作皇帝每行皆作太和之樂攝則謂者

上辛皇帝詣壇升自南陛侍中中書令以下及左右

侍衛量人從升如下皆皇帝升壇北向立攝則太尉

立樂止正座太祝加玉於幣以授侍中侍中奉玉幣

東向進皇帝搢鎮珪受玉幣凡授物皆搢鎮珪跪奠

搢登歌作肅和之樂以太呂之均太常卿引皇帝進

北向跪奠於昊天上帝神座俛伏興太常卿引皇帝

立於西方東向配座太祝以幣授侍中侍中奉幣北



向進

攝則太尉授太尉皇帝授幣太常卿引進高祖

神堯皇帝神座

太尉奉玉幣進儀則倭伏與太常卿引皇帝少退

東向再拜訖登歌止太常卿引皇帝樂作皇帝降自

南陛還版位西向立樂止

攝則太尉行初皇帝將奠

配帝之幣謁者七人各分引獻官奉玉幣俱進跪奠

於第一等神座

上辛則謁者五人各分引獻官奉玉幣奠五方帝座攝事同

五官相餘星座之幣謁者贊引各引獻官進奠於首

座餘皆祝史齋郎助奠訖引還復位

攝則太尉奠配

還奠各奉玉幣進於神座訖初衆官拜訖祝史各奉

毛血之豆立於門外登歌止祝史奉毛血入各由其

陛升諸大祝迎取於壇上俱進奠於神座諸太祝與

祝史退立於罇所

進熟

皇帝既升

攝則太尉升奠玉幣太官令出帥進饌者

奉饌各陳於壇門外謁者引司徒出詣饌所司徒奉

昊天上帝之俎初皇帝既至位樂止太宰令引饌入

攝事則於太祝奠毛血其俎初入門奏雍和之樂以

黃鍾之均樂皆奏黃鍾饌各至其陛樂止祝史俱進

徹毛血之豆降自東陛以出

上帝之饌升自午陛配

之饌升自寅陛赤帝之饌升自巳陛黃帝之饌升自

未陛白帝之饌升自酉陛黑帝之饌升自子陛大

饌各隨便而升上辛無大明以下饌攝事同雩祀五

由其陛升諸太祝迎引於壇上各設於神座前蓋

先徹乃升簋籃既設訖謁者引司徒太官令帥進饌者
奠却其蓋於下也設訖謁者引司徒太官令帥進饌者
俱降自東陛以出司徒復位諸太祝各還罇所又進設

外官衆星之饌相次而畢上辛無外官以下饌雩祀人
退設五官饌並無衆星饌也

初壇上設饌訖太常卿引皇帝詣壘洗攝則謁者引太
尉詣壘洗上辛

雩祀也樂作皇帝至壘洗樂止侍中跪取匱興沃水又侍

中跪取盤盥承水皇帝盥手黃門侍郎跪取巾於篚興

進皇帝悅手訖黃門侍郎受巾跪奠於篚黃門侍郎又

取匏爵於篚興進皇帝受爵侍中酌壘水又侍中奉盤

皇帝洗爵黃門侍郎又授巾皆如初皇帝拭爵訖侍中

奠盤匱黃門侍郎受巾奠於篚皆如常太常卿引皇帝

樂作皇帝詣壇升自南陛訖樂止攝則太尉洗拭匏
爵無樂作以下儀

謁者引司徒陞自東陛立於罇所齋郎奉俎從其後

太常卿引皇帝詣上帝罇所執罇者舉罇侍中贊酌

汎齊訖壽和之樂作皇帝每酌獻及飲福皆作壽和
之樂攝則謁者引太尉升自南

陛請上帝罇所執事者奉
罇太尉酌汎齊訖樂作太常卿引皇帝進昊天

帝神座前北向跪奠爵興太常卿引皇帝少退向北

立樂止攝儀皆謁
者引太尉太祝持版進於神座之右東向跪

讀祝文維某年歲次月朔日子嗣天子臣某敢昭告

于攝則云天子某謹遣太尉封某臣
名敢昭告于昊天上帝雩祀亦同昊天上帝大明

南至長斟初昇萬物權輿六氣資始式遵彝典慎脩

禮物上辛云惟神化育群生財成庶品雲雨作施普
無私爰因啓蟄式遵農事雩祀云爰茲孟夏

龍見紀辰方資長育式遵常禮敬以玉帛犧
帛犧牲粢盛庶品恭致幡祀表其寅肅敬以玉帛犧



齊采盛庶品備茲禋燎祇薦潔誠高祖神堯皇帝配

神作主凡攝事祝版應御署訖皇帝北向皇帝再拜

尉再拜初讀祝文訖樂作太祝進跪奠版於神座興

還罇所皇帝拜訖樂止太常卿引皇帝詣配帝酒罇

所執罇者舉幕侍中取爵於坫進皇帝受爵侍中贊

酌汎齊訖樂作太常卿引皇帝進高祖神堯皇帝神

座雩祀東向跪奠爵俛伏與太常卿引皇帝少退東

向立樂止上辛又謁者五人各引五方上帝太祝皆取爵於坫酌汎齊各進奠於神座訖還罇

所雩太祝持版進於神位之左北向跪讀祝文曰維

某年歲次月朔日子孝曾孫開元神武皇帝臣某攝

遣云皇帝臣某謹敢昭告于高祖神堯皇帝履長伊始

肅事郊禋用致燔祀于昊天上帝伏惟慶流長發德

冠思文對越昭升永言配命上辛云時維孟春敦初嘉穀用致禋祀昊天上帝伏惟高祖睿哲狗齊欽明昭格祭祀之禮肅奉舊章雩祀云時維正陽式遵恒典伏惟道叶乾元德施

品物永言配命對越昭升謹以制幣犧齊采盛庶品式陳明薦俯

神作主尚饗訖興皇帝再拜初讀祝文訖樂作太祝

進跪奠版於神座興還罇所皇帝再拜訖樂止太常

卿引皇帝進昊天上帝神座前北向立作樂太祝各

以爵酌上罇福酒合置一爵太祝持爵侍中侍中受

爵西向進皇帝再拜受爵跪祭酒啐酒奠爵俛伏興

太祝各帥齋郎進俎太祝減神前胙肉皆取前脚也加

於俎以胙肉共置一俎上太祝持俎以授司徒奉俎



西向進

攝則

皇帝受以授左右

攝則

太尉謁者引司

徒降復位皇帝跪取爵遂飲卒爵侍中進受爵以授

太祝太祝受爵復於坵皇帝俛伏興再拜樂止太常

卿引皇帝樂作皇帝降自南階還版位西向立樂止

文舞退鼓祝作舒和之樂退訖戛鼓樂止武舞入鼓

祝作舒和之樂立定戛鼓樂止

自此以下凡攝皆太尉為初獻其儀依皇

帝行事贊佐皆謁者太祝齋郎

皇帝將復位謁者引太尉

攝則太常卿為亞獻

自下並改太尉為太常卿

詣壘洗盥手洗拭袍爵訖謁者引太常

自陞升壇詣昊天上帝著罇所執罇者舉罇太尉酌

醴齋訖武舞作謁者引太尉進昊天上帝神座前北

向跪奠爵興謁者引太尉少退北向拜訖謁者引太

尉詣配帝犧罇所取爵於坵執罇者舉罇太尉酌醴

齋訖謁者引太尉進高祖神堦皇帝座前考祀東向

跪奠爵興謁者引太尉少退東向再拜訖上辛丑方祀各取爵

向立跪太祝各以爵酌壘福酒合置一爵太祝持爵

進太尉之右西向立太尉再拜受爵跪祭酒遂飲卒

爵太祝進受虛爵復於坵興拜訖謁者引太尉却復

位初太尉獻將畢謁者光祿卿攝則同以光祿卿為終獻詣壘洗

盥手洗拭袍爵升酌益齋獻正座配座考祀并獻終

獻如亞獻之儀上辛五帝祀亦各配獻之訖謁者引光祿卿降復

位初太尉將升獻攝則太常卿將升獻謁者七人分引五方帝



位初太尉將升獻攝則太常卿將升獻謁者七人分引五方帝

及大明夜明等獻官詣壘洗盥手洗拭匏爵訖各由

其陛升等祀太尉將升獻贊引五帝獻官酌醴齊

官酌醴齊奠勾芒氏餘至祝史助奠詣第一等俱酌汎齊訖各進跪奠

於神座前與各還引降還本位初第一等獻官將升

謁者五人次引獻官各詣壘洗訖各由其陛升壇詣

第二等內官酒罇所俱酌齊各進跪奠爵於內官座

首與餘皆祝史齋郎助奠相次而畢謁者各引獻官

還本位初第二等獻官將升謁者四人次引獻官俱

詣壘洗盥手各由其陛升壇詣第三等中官酒罇所

俱酌清酒汎齊攝儀盛齊以獻贊引四人次引獻官詣壘

洗盥洗詣外官酒罇俱酌清酒攝儀醴齊以獻贊引四人

次引獻官詣壘洗盥洗訖詣衆星酒罇所酌旨酒攝儀

齊以獻其祝史齋郎酌酒助奠者皆如內官之儀訖

竭者引贊各引獻官還本位上辛等祀無日者獻俱

畢武舞止止下諸祝各進跪徹豆與還罇所徹者籩

少移於奉禮曰賜胙贊者唱衆官再拜衆官在位者

皆再拜已飲福者不拜元和之樂作太常卿前奏稱拜退

復立皇帝再拜樂作一成止攝事則奉禮曰衆官再

太常前奏請就望燎位攝則謂者進太尉之太常卿

引皇帝樂作皇帝就望燎位南向立樂止攝則謂者

於群官將拜上下諸祝各執篚進神座前取玉幣祝

版日月已上齋即以俎載牲體黍稷飯及爵酒各由



其陛降壇南行經柴壇西過壇東行自南陞登柴壇
以玉幣祝版饌物置於柴上戶內諸祝史又以內官
已下之禮幣皆從燎上辛無日月已下牲幣專祀真五帝陛奉禮曰可
燎東西面各六人以炬燎火半柴太常卿前奏禮畢
攝則謁者前曰禮畢則太尉出太常卿引皇帝還大次樂作皇帝出
中壝門上辛專祀並內壝殿中監前受鎮珪以授尚衣奉御
殿中監又前受大珪華蓋侍衛如常儀皇帝入次樂
止謁者贊引各引祀官通事舍人分引從祀群官諸
方客使以次出贊引引御史太祝已下俱復執事位
立定奉禮曰再拜御史以下皆再拜贊引引出工人
二舞以次出

鑾駕還宮上辛零祀同

皇帝既還大次侍中版奏請解嚴將士不得輒離部伍皇帝停
大次一刻頃槌一鼓為一嚴轉仗衛於還途如來儀
二刻頃槌二鼓為再嚴將士布隊仗侍中版奏請中
嚴皇帝服通天冠絳紗袍諸祀官服朝服乘馬者五服袴褶
刻頃槌三鼓為三嚴通事舍人分引群官客使等序
立於大次之前近南文武侍臣請大次奉迎乘輿令
進金輅於大次門外南向千牛將軍立於輅左侍中
版奏外辦太僕卿升執轡皇帝乘輿出次繖扇侍衛
警蹕如常儀皇帝升輅太僕卿立授綏黃門侍郎奏
稱請鑾駕進發退復位鑾駕動稱警蹕如常儀黃門

侍郎贊者夾引千牛將軍夾路而趨至侍臣上馬所
黃門侍郎奏稱請鑾駕權停勅侍臣上馬侍中前承
制退稱制曰可黃門侍郎退稱侍臣上馬贊者承傳
文武侍臣皆上馬異黃門侍郎奏稱請敕車右升侍
中前承制退稱制曰可黃門侍郎退復位千牛將軍
升訖黃門侍郎奏稱請鑾駕進發復位鼓傳音鑾駕
動鼓吹振作而還文武群臣導從如來儀諸方客使
便還館駕至承天門外侍臣下馬所鑾駕權停文武
侍臣皆下馬千牛將軍降立於輅右訖鑾駕動千牛
將軍夾路而趨駕入嘉德門太樂令令撞蕤賓之鐘
左右鐘皆應鼓祝奏采茨之樂至太極門戛鼓樂止
入太極門鼓祝奏太和樂駕至橫街北當東上閣迴
輅南向侍中進鑾駕前奏稱侍中臣某言請降輅俛
伏興還侍位皇帝降輅乘輿以入繖扇侍衛警蹕如
常儀侍臣從至閣戛鼓樂止初文武群臣官至承天
門外通事舍人承旨勅群官並還皇帝既入侍中版
奏請解嚴扣鈺將士各還其所